



228. fundur Breiðafjarðarnefndar, haldinn 22. nóvember 2024, í Stykkishólmi

Mætt frá Breiðafjarðarnefnd: Erla Friðriksdóttir formaður, Guðríður Þorvarðardóttir varaformaður Valdís Einarsdóttir, Magnús A. Sigurðsson, Arnheiður Jónsdóttir, Karl Kristjánsson, og Sigurður Halldór Árnason.

Arnar Kristjánsson mætti aðeins á seinni hluta fundar.

Forföll:

Fundarritari: Jakob Stakowski.

Formaður setti fund kl. 14.25.

1. Fundargerð 227. fundar Breiðafjarðarnefndar

Fundargerð 227. fundar nefndarinnar, sem var haldinn á Teams 1. nóvember 2024.

Afgreiðsla:

Fundargerð lesin upp og samþykkt.

2. Melrakkaey í Sveitarfélaginu Stykkishólmi – endurbygging hjalls

Breiðafjarðarnefnd hefur fengið beiðni um umsögn frá landeigenda Melrakkaeyjar vegna áforma um endurbyggingu hjalls á eyjunni. Starfsmaður Breiðafjarðarnefndar undirbjó drög að afgreiðslu á milli funda og sendi þau á nefndarfólk.

Afgreiðsla:

Drögin voru rædd á fundinum og í kjölfarið samþykkt. Starfsmaður mun senda umsögnina á landeiganda.

3. Búðanes í Stykkishólmi – landfylling á verndarsvæðinu

Sveitarfélagið Stykkishólmur hefur haldið áfram jarðvegsvinnu við Nesveg/Skipavík í þeim tilgangi að útbúa söguleið um svæðið. Lesa má um málið í frétt frá 6. nóvember 2024 á heimasíðu sveitarfélagsins [hér](#).

Landnýting á svæðinu hefur áður verið á borði Breiðafjarðarnefndar, sbr. umsögn Breiðafjarðarnefndar til sveitarfélagsins frá 17. janúar 2023 [hér](#).

Afgreiðsla:

Breiðafjarðarnefnd kynnti sér landslagsbreytingar út frá ljósmyndum sem fylgja fréttafærslu sveitarfélagsins og loftmyndum af svæðinu. Nefndin ákvað að senda sveitarfélaginu fyrirspurn um mótun landslags á svæðinu þar sem framkvæmdir ná inn á verndarsvæði Breiðafjarðar.

Starfsmaður Breiðafjarðarnefndar mun undirbúa drög að fyrirspurn og sendir þau á nefndarfólkið milli funda.

4. Erindi frá Stefáni Skafta Steinólfssyni

Stefán Skafti Steinólfsson sendi Breiðafjarðarnefnd erindi þar sem hann tjáir sínar áhyggjur af náttúruvernd á Breiðafjarðarsvæðinu.

Afgreiðsla:

Erindi Stefáns lagt fram til kynningar. Nefndin ræddi erindið og kom sér saman um svar sem starfsmaður nefndarinnar mun undirbúa og senda Stefáni.

5. Skýrsla starfshóps um eflingu samfélagsins í Dalabyggð

Stýrihópur var skipaður í Dalabyggð í þeim tilgangi að ræða framtíðarhugmyndir um eflingu svæðisins. Stýrihópurinn skoðaði m.a. stofnun þjóðgarðs í Dölum og skilaði nýlega niðurstöðum til ráðherra. Hægt er að nálgast skýrsluna [hér](#).

Afgreiðsla:

Skýrslan var lögð fram til kynningar. Nefndin skoðaði sérstaklega kafla 4.4 þar sem fjallað er um stofnun þjóðgarðs við Breiðafjörð.

Hugmyndir um stofnun þjóðgarðs í skýrslunni eru á og við verndarsvæði Breiðafjarðar og er mikilvægt að framtíðarhugmyndir um þjóðgarð á þessu svæði verði í samræmi við verndarviðmið laga nr. 54/1995 um vernd Breiðafjarðar.

6. Gróðurannsókn í Breiðafjarðareyjum

Í janúar 2023 gerði Breiðafjarðarnefnd samning við Náttúrustofu Vestfjarða um framkvæmd gróðurannsóknar í nokkrum Breiðafjarðareyjum.

Rannsóknin var framkvæmd á vettvangi sumarið 2023 og sendi Náttúrustofa Vestfjarða skýrslu um framkvæmd og niðurstöður til Breiðafjarðarnefndar í nóvember 2024.

Afgreiðsla:

Forstöðumaður Náttúrustofu Vestfjarða, Sigurður Halldór Árnason, sem einnig er nefndarmaður í Breiðafjarðarnefnd, kynnti skýrsluna á fundinum.

Starfsmaður mun setja skýrsluna á heimasíðu Breiðafjarðarnefndar og undirbýr fréttatilkynningu um hana.

Þessi rannsókn var önnur gróðurannsóknin sem nefndin hefur látið framkvæma á síðustu tíu árum. Skoða má rannsóknina frá 2018 á heimasíðu nefndarinnar [hér](#) og er nýja rannsóknin á heimasíðu nefndarinnar aðgengileg [hér](#).

Breiðafjarðarnefnd ákvað á fundinum að skoða skýrsluna betur fyrir næsta fund. Á honum mun nefndin ræða um framhald gróðurannsóknna og hvernig nefndin hyggst áfram stuðla að rannsóknum á verndarsvæðinu.

7. Endurskoðun verndaráætlunar fyrir Breiðafjörð – staða verkefnis

Náttúrustofa Vestfjarða og Náttúrustofa Vesturlands vinna að endurskoðun verndaráætlunar fyrir Breiðafjörð. Vinnan er borin uppi af Sigurði Halldór Árnasyni og Jakobi Stakowski.

Fyrir liggur að upplýsa Breiðafjarðarnefnd um stöðu verkefnisins.

Afgreiðsla:

Jakob Stakowski kynnti fyrir Breiðafjarðarnefnd nýja kaflaskiptingu endurskoðaðrar verndaráætlunar. Kaflaskiptingin var samþykkt af hálfu Breiðafjarðarnefndar.

8. Skýrsla Vestfjarðastofu – Þjóðgarðar á Vestfjörðum

Vestfjarðastofa birti í ágúst 2024 skýrsluna „Þjóðgarðar á Vestfjörðum - sóknarfæri í byggðapróun“. Í skýrslunni eru skoðaðir þeir möguleikar sem hafa verið nefndir í umræðunni um þjóðgarða á Vestfjörðum. Farið er yfir hvað ólíkar tegundir friðunar fela í sér og hvað þarf að vera til staðar svo svæði geti orðið þjóðgarður. Skoða má skýrsluna á heimasíðu Vestfjarðastofu [hér](#).

Afgreiðsla:

Starfsmaður Breiðafjarðarnefndar lagði fram til kynningar kafla 6 um Breiðafjarðarþjóðgarð. Skýrslan var rædd og fannst nefndarmönnum efni hennar gott innlegg í umræðu um framtíð svæðisins.

9. BioProtect verkefnið

Breiðafjarðarnefnd rakst á styrkjamöguleika á vegum verkefnisins BioProtect, sem Matís og Hafrannsóknastofnun hafa umsjón með.

Lesið má aðeins nánar um verkefnið á heimasíðu MATÍS [hér](#), heimasíðu Hafrannsóknarstofnunar [hér](#), og á heimsíðu verkefnisins [hér](#).

Afgreiðsla:

Breiðafjarðarnefnd ræddi aðeins BioProtect verkefnið og velti fyrir sér hvort það gæti hentað nefndinni að taka þátt í því.

Ákveðið var að starfsmaður Breiðafjarðarnefndar kynni sér verkefnið betur, sem og þá samstarfsmöguleika sem felast í því.

10. Fundur með landeiganda vegna mögulegrar endurheimtar Hraunsfjarðar á Snæfellsnesi

Breiðafjarðarnefnd fékk á fund landeiganda við Hraunsfjörð á Snæfellsnesi. Breiðafjarðarnefnd hefur fjallað um mögulega endurheimt Hraunsfjarðar, sem var stíflaður á 9. áratug 20. aldar. Stíflan stendur eftir og hindrar náttúruleg sjávarföll inn í fjörðinn.

Lesið má nánar um áform Breiðafjarðarnefndar [hér](#).

Afgreiðsla:

Breiðafjarðarnefnd kynnti fyrir landeigendum hugmyndir um mögulega endurheimt Hraunsfjarðar og ræddi við landeiganda um verkefnið.

Þátttakendur fundar komu sér saman um næstu skref í ferli verkefnisins. Þau eru að Breiðafjarðarnefnd mun setja í forgang að afla grunnupplýsinga um mögulegar afleiðingar brottnáms stíflunnar fyrir sjávarföll, lífríki og mögulega notkunarmöguleika á svæðinu. Nefndin mun senda drög að greinargerð til landeiganda í byrjun árs 2025.

11. Önnur mál

Engin önnur mál voru rædd.

Næsti fundur Breiðafjarðarnefndar verður á Teams, en nákvæm tímasetning hefur ekki verið ákveðið að svo stöddu.

Fleira ekki gert og fundi slitið kl. 20.25.